

■ GLESIÈ FURLANE

Avôt dal Friûl
a Aquilee

Glesie Furlane e La Patrie dal Friûl a clamin ducj al apontament anuâl pe messe in lenghe furlane in ocasion de celebrazion dai Sants Ermacure e Fortunât, patrons dal Friûl.

L'event al sarà domenie ai 13 di Lui te Basiliche Mari di Aquilee aes 6 dopomisdì. "Aquilee e je come un grant poç di aghe, là che plui si va in sot e plui glaçade e je la aghe" al scriveve pre Antoni Beline intune riflession dal 2005 riproponune chest an dai predis di Glesie Furlane "Chê aghe che e à ristorât la sêt di gjenerazions e gjenerazions.

Come cu la aghe dal poç, cun Aquilee no si rive mai a dî dut, di tant feconde che e je cheste risulitive. Aquilee e je come une miniere che si sprofonde tal timp e te tiere. Plui si va in dentri e plui si intivisi in tesauri che no si cjatin di altris bandis. Cirin, usgnot, di jentrâ spiritualmentri in cheste risulitive di aghe vive e in cheste arceje di minerâi prezioss.

SCOLTADIS DI DRIUS

Bocje vierte

Les feminis ogni tant e tasin.

Le me e fevele ancje cuant che duâr.



Enos Costantini

Tiere furlane cence diserbant

A Cuar di Rosacis si è tignude la presentazion dal numar 20 di Tiere furlane (www.regione.fvg.it/tierefurlane) ai 26 di Jugn.

"Chest numar al siere un prin cicli de riviste, nassude di une idee dal gno predecessôr **Claudio Violino** - al à dit il vicepresident Sergio Bolzonello -. Tiere furlane e va indevant". O vin cussì contatât **Enos Costantini**, coordinadôr de redazion.

Cualchidun al à criticât il non: 'Furlane' al dividarès il Friûl-Vignesie Julie...

"Friûl al vûl dî 'la tiere de gens Julia', i vèrs julians a son i furlans. Dimostratmi il contrari.

Tai Agns '60, se no fali, e saltave fûr une riviste che si clamave Julia Gens, un non aulic, ma just. Sigûr che Int furlane, o Tiere furlane, a sunin miôr, ma il sens al è chel. Tiere furlane, lu ripet, al vûl dî Tiere Juliane, nome che furlan al ven dal latin par vie populâr, mentri che julian a son lâts a urîlu i studiâts tal latin classic. Esempli: il latin aquariu(m) al à dât, par vie populâr, il furlan agâr e il talian acquaio; po, cuant che al coventave di dâi il non a chê vasce che si met il pes, cualchidun al à tirât fûr acquario. Ce che jentri Vignesie, po, Diu sôl lu sa. Gurize e Triest non son mai stadis sot di Vignesie. Triest, anzit, par scjampâ des grifis de Sere-

La riviste e larà indenant, cirint di alimentâ il dibatit su la agricoltore, che e varà di jessi simpri plui verde e ecologjiche, par fâle tornâ a diventâ impuartante.

nissime si è dade ae Austrie, e ancjemò dal Tresinte. E, di ducj i Triestin che o cognòs, no 'nd è un che si sei lamentât dal non Tiere furlane. Anzit, ur plâs. Lis vueris no nassin mai dal popul".

O fasês simpri il plen...

"Misteris furlans. Une spiegazion e je che la riviste e plâs. Une altre e je che lis nestrìs presentazioni no son mai stufadics".

Ce avignì viodial par Tiere Furlane?

"Ben, il vicepresident Bolzonello al è stât clâr: si va indevant. Possibilmentri metint dentri ancje un fregul di 'dibatit' su la agricoltore furlane. E in chest moment plen di cjastic al covente propit doprà chei cuatri neurons che o vin a sotet par che l'agricoltore e torni a diventâ il setôr 'primari'. Tiere furlane al è un imprest par fâ cognossi il 'produt Friûl'. Un imprest che altris regions no an".

E in agricoltore?

"A coventin ideis fuartis e la fuarce politiche di quartâls fin insoomp. Nome une robe o dîs: la 'figure' che à di fâ la nestre agricoltore e à di sei simpri plui 'nete', plui 'verde', plui 'ecologjiche'. La region e je piçule, si cognossin duti lis gjalinis dal gjalinâr e, se si vûl si rive. L'obietif? I turiscj che a rivin in Friûl a an di viodi il cartel Weed Killers Free Region".



ilfriuli@ilfriuli.it

Euronews informa

Fontanini, «I furlans a restaran cence un ent che ju representi: in at un procès di centralizazion viers il Venit e viers Triest»

Il procès di centralizazion dai podês in at al larà a privâ il Friûl di formis di rapresentation e podê economic. Unitât di fins su cheste e tantis altris cuistions jenfri il president de Provincie Pietro Fontanini e i rapresentants dal Comitât pe autonomie e il rilanc dal Friûl in ocasion dal incuintri a palaç Belgrât dulà che a àn partecipât, pal Comitât, il president Paolo Fontanelli, Giancarlo Castellarin, Roberto Meroi e Roberta Michieli. "O pensi che si stedi materializant un centralisim regionâl cun Triest di une bande e i 16 ambits di chê altre - al à marcât Fontanini. La nestre Region no sta lant dâur di Rome: il Guvier centrâl, di fat, cu la leç 56 o ben la leç Delrio, noi proviôt la sieradure des Provincis e anzit e da lôr gnûfs podês. Tai dîs passâts - al à ricuardât Fontanini - o ai incuintrât il Sotsegretari al Ministeri dai Afârs Regionâi, Gianclaudio Bressa. Bressa, in particolâr, al à rimarcjât cemût la specialitât di statût ricognossude al FVJ e podarès risultâ un strument prezios par definì un



Incuintri cui rapresentants dal Comitât pe autonomie e il rilanc dal Friûl

model organizatîf bon di permeti, in spiète che il disen di riforme costituzionâl di dut il Titul V al rivedi a conclusion e al cjatedi efetive atuazion, une gnove definizion dal ordenament dai ents locâi in grât di otignì in maniere plui valide i obietifs de semplificazion, dal sparagn, ma ancje de tutele e de valorizazion des identitâts locâis.

"Su la fonde di chest - al à tornât a dî Fontanini - o crôt che te nestre Region al dovarès cjapâ cuarp il disen che al viôt la citât metropolitana di

Triest di une bande e la Provincie dal Friûl di chê altre". Su la cressite des spesis di gjestion che al computarà la riforme dai ents locâi in at in FVJ i dâts di Siope - banceje dâts de resonarie gjenerâl dal Stât - che al riferis ducj i paiaments. "Se l'obietif di Panontin al è chel di diminuì i coscj de politiche - al à marcât Fontanini - o sin propit fûr strade vedût che si ruvine chel che al funzione a coscj competitifs. Al baste citâ l'esempli de viabilitât: la gjestion dal patrimoni stradâl di FVG

Strade vuê al coste 7 mil 026 euros a chilometri cuintri i 5.853 euros des Provincis. Al podarès duncje determinâsi un increment di cost complessif de gjestion des stradis provinciâls di cirche 159%. Atenzion po dopo a considerâ cualchi segnâl che al rive di Rome - al sclâr Fontanini: là jù nus viodin tant che une cueste dal Venit, al baste pensâ al fat che a àn eliminât la figure dal nestrì dirigjent scolastic regionâl e nus àn associât ae region dongje, come se al fos une cumbinazion des problematicis dome pe continuitât teritoriâl". Vie pal incuintri, infîn, lis problematicis che a rivardin la viabilitât e in particolâr il rinforciment dal as Udin-Pordenon. "Tant che associazion des Provincis - al à ricuardât Fontanini - o vin evidenziât a Triest la necessitât di miôrâ chest leam. Ma a son altris problemis e jenfri chescj ancje chel finanziari. La Region, dut câs, e sta realizzant numerosis tarondis par sveltà l'as di colegament jenfri i doi cjâfs lûcs".